

## Aralin 20 Ang Epekto ng Kasalanan sa Kalikasan

### Ang Epekto ng Kasalanan


Dumami na ang tao sa mundo. Nakita ng Panginoon ang labis na kasamaan ng tao sa daigdig. Ang bawat hilig ng puso ng tao ay kasamaan sa lahat ng panahon.



Ang Diyos ay labis na nagdalamhati sa nilalang Niyang tao at ang Kanyang puso ay napuno ng kalungkutan.

Sinabi ng Diyos na wawasakin Niya ang sangkatauhang nilalang Niya, mga hayop na gumagalaw sa lupa at mga ibon sa himpapawid.

Magpapadala ako ng malaking baha sa buong daigdig upang wasakin ang lahat ng may buhay sa ilalim ng kalangitan. Pati ang kalikasan ay naapektuhan dahil sa matinding kasamaan ng tao.



**Activity:** Sagutin ang mga sumusunod na tanong.

1. Ano ang ginawa ng Diyos sa mundo dahil sa sukdulang kasamaan ng tao?
2. Ano ang naging mga epekto ng kasalanan ng tao?

### Homework:

Kung ikaw ay makapagbibigay ng mga suggestions sa mga namumuno sa inyong barangay, ano-anong mga patakaran ang nais mong ipatupad upang mapangalagaan ang kalikasan sa inyong comunidad?

# LAMBAT

## INTERMEDIATE 1

### Aralin 1 Ang Diyos ang Ating Manlilikha

#### Ang Paglikha

Noong unang panahon, ang mundo ay wala pang anyo at madilim pa. Kaya nang unang araw ay nilikha ng Diyos ang liwanag. Hiniwalay Niya ang liwanag at tinawag Niya itong araw at ang dilim ay tinawag Niyang gabi.

Sa pangalawang araw ay nilikha Niya ang kalangitan. Sa pangatlong araw, ibinukod Niya ang tubig upang lumitaw ang tuyong lupa. Sinabi rin Niyang magkaroon ng mga halaman at mga punong kahoy.

Sa pang-apat na araw ay nilikha ng Diyos ang mga tanglaw sa langit na tinatawag nating araw upang magbigay liwanag sa umaga at buwan at mga bituin upang magbigay liwanag sa gabi.

Sa panlimang araw nilikha ng Diyos ang lahat ng bagay na nabubuhay sa tubig katulad ng mga isda at lahat ng nabubuhay sa himpapawid katulad ng mga ibon.

Sa pang-anim na araw nilikha ng Diyos ang lahat ng uri ng hayop na lumalakad sa lupa.

Sa araw din na ito ay nilikha Niya ang tao ayon sa Kanyang wangis. Sa bawat araw ng Kanyang paglikha, nakita ng Diyos na ito ay mabuti at ang lahat ng Kanyang nilikha ay nagbigay kasiyahan sa Kanya. Sa ika-pitong araw, ang Diyos ay nagpahinga at ang araw na ito ay Kanyang pinagpala.

**Activity:** Ilarawan mo ang hitsura ng magandang hardin para sa iyo.

### Homework:

Paano mo ipapahayag ang pasasalamat mo sa Diyos dahil sa pagkalikha niya sa iyo?

## Aralin 2 Ang Diyos ang Ating Tagapagligtas

### Ang Malaking Arko ni Noah


Si Noah ay taong napakalapit sa Diyos. Nang mga panahong iyon, si Noah lang ang natitirang sumusunod sa utos ng Diyos. Lahat ay namumuhay ng masama.

Inutusan ng Diyos si Noah na gumawa ng malaking arko, sinabi Niya na magpapadala Siya ng malaking baha at ang pamilya lang niya ang maliligtas. Kasama ang mga anak na sina Ham, Sem at Jafet binuo nila ang arko ayon sa mga sukat at disenyo na ibinigay ng Diyos. Nang matapos ang arko, pumasok si Noah kasama ang kanyang pamilya. Kasama din niya ang isang pares ng iba't ibang uri ng hayop at ibon ayon sa bilin ng Diyos.

Bumuhos ang ulan sa loob ng apatnapung araw.

Tumaas nang tumaas ang tubig. Makalipas ang 150 araw, pinalabas ng Diyos sina Noah mula sa arko.

Bilang tanda sa pangakong hindi na gugunawin ng Diyos ang mundo sa pamamagitan ng baha, pinalitaw Niya ang isang bahaghari.



**Activity:** Sagutin ang mga tanong

1. Ano ang ipinagawa ng Diyos kay Noah? Sino lang ang maliligtas sa malaking baha?
2. Bakit nagpadala ang Diyos ng malaking baha?

**Homework:**


Bilugan ang tamang numero ayon sa limit ng paggawa.

1 - malimit; 2 - minsan; 3 - hindi ginagawa

1. Lagi kong sinusunod ang utos ng aking mga magulang.  
1      2      3
2. Tumutulong ako sa mga gawaing bahay.  
1      2      3
3. Hindi ako sumusuway sa mga patakaran sa eskuwelahan.  
1      2      3

## Aralin 19 Ang Kalikasang Maayos at Maganda

### Purihin ang Diyos



Ang mga ibon sa himpapawid ay nagpupugad  
Sa tabi ng mga tubig;

Umaawit sila sa mga sanga ng kahoy.

Kaydami ng Iyong ginawa, Panginoon!

Sa iyong karunungan ay ginawa Mo ang lahat.

Ang daigdig ay puno ng mga nilikha Mo.

Nariyan ang dagat, maluwang at malawak,

Punong-puno ng mga nilikhang hindi mabibilang

Mga bagay na nabubuhay, malaki't maliit.

**Activity:** Sagutin ang mga sumusunod na tanong.

1. Bakit inilagay ng Diyos ang tao sa Hardin ng Eden?

\_\_\_\_\_

\_\_\_\_\_

2. Ano ang bahagi natin ngayon sa pagpapayaman ng ating mga lupain?

\_\_\_\_\_

\_\_\_\_\_

\_\_\_\_\_

**Homework:**

Isulat sa ilang pangungusap kung paano nagiging kapaki-pakinabang sa iyo ang kalikasang nilikha ng Diyos.

## Aralin 18 Ang Kalikasan ay Nilikha ng Diyos

### Ang Nilikha ng Diyos

Noong pasimula, ang mundo ay walang laman at walang anyo. Ibinukod ng Diyos ang dilim sa liwanag. Ihiniwalay Niya ang tubig sa ibaba ng langit upang lumitaw ang tuyong lupa. Ito ang karagatan at ang lupa.

Sa ikatlong araw, sinabi ng Diyos, ang lupa ay sibulan ng mga halamang nagbubunga ng butil at mga punong-kahoy na may buto ang kanyang bunga ayon sa kanya-kanyang uri.

Sa ikalimang araw ay nilikha ng Diyos ang mga ibong lumilipad sa himpapawid at lahat ng uri ng malalaki at maliliit na isda at mga hayop na nabubuhay sa dagat. Ang lahat ng Kanyang nilikha ay nagbigay kasiyahan sa Kanya.

**Activity:** Hanapin at bilugan ang ang mga sumusunod na salita.

Araw Bible Bituin Buwan	Dilim Diyos Halaman Hayop	Ibon Isda Karagatan Langit	Liwanag Lupa Puno
-------------------------	---------------------------	----------------------------	-------------------

P	L	I	W	A	N	A	G	B
I	U	A	D	I	L	I	M	U
S	P	N	N	N	A	R	A	W
D	A	W	O	G	S	T	E	A
A	B	I	T	U	I	N	H	N
K	A	R	A	G	A	T	A	N
H	A	L	A	M	A	N	Y	O
B	E	B	E	E	Q	B	O	R

### Homework:

1. Ano ang isang lugar na gusto mong makita o mapuntahan?
2. Ilarawan ang lugar na ito sa ilang pangungusap.

## Aralin 3 Ang Diyos ang Ating Gabay

### Ang Gabay ni Abraham

Noong unang panahon, kinausap ng makapangyarihang Diyos si Abraham nang siya ay nakatira pa sa bayan ng Ur.

*Diyos: Iwan mo ang iyong lupain at mga kamag-anakan; pumunta ka sa lupaing ituturo ko sa iyo.*

Kaya si Abraham ay umalis sa bayan ng mga Caldeo at nanirahan sa bayan ng Haran kasama ang kanyang asawa at buong sambahayan.



Hindi alam ni Abraham kung saan siya pupunta pero ang Diyos ang nagbigay sa kanya ng direksiyon. Nakinig at sumunod lang si Abraham sa sinabi ng Diyos habang sila ay patuloy na naglalakbay. Sa takdang panahon dumating sila sa destinasyon na nasa isipan ng Diyos at doon silang lahat namalagi ayon sa kalooban ng Diyos.

**Activity:** Sagutin ang mga tanong.

1. Ano ang inutos ng Diyos kay Abraham?
2. Bakit mahalagang tayo ay nakikinig at sumusunod sa Diyos?

**Homework:** Ilagay ang tamang letra sa space ayon sa dalas ng paggawa: A - madalas B - minsan C - hindi

1. Sumusunod ako sa mga patakaran sa eskuwelahan. \_\_\_\_\_
2. Tumutulong ako sa mga gawaing bahay. \_\_\_\_\_
3. Sumusunod ako agad kapag inutusan ako ni nanay o ni tatay. \_\_\_\_\_
4. Masaya akong sumusunod kapag may ipinagawa sa akin si nanay o tatay. \_\_\_\_\_
5. Marunong akong magbigay galang sa mga mas matanda sa akin. \_\_\_\_\_

## Aralin 4 Ang Diyos ang Ating Tagapangalaga

### Si Joseph

Si Joseph ay paborito ng kanyang ama na si Jacob. Ito ang naging dahilan upang siya ay kainggitan at kamuhian ng kanyang mga kapatid. Ang pagkainggit at pagkamuhing ito kay Joseph ang nag-udyok sa kanyang mga kapatid na pagbalakan siyang patayin. Ngunit ang Diyos ay laging kasama ni Joseph. Hindi natuloy ang masamang balak ng magkakapatid, dahil hindi pumayag ang panganay nilang si Reuben. Ipinagbili na lang nila si Joseph bilang isang alipin sa mga Ismaelita. Nagsinungaling ang magkakapatid nang sabihin nila sa kanilang ama na si Joseph ay nilapa ng mabangis na hayop.

Si Joseph ay ipinagbili ng mga Ismaelita kay Potiphar, na kapitan ng mga guwardya. Dahil kinalugdan siya ni Potiphar, ginawa niyang katiwala si Joseph ng lahat ng ari-arian niya. Ngunit napagbintangan si Joseph sa isang krimen na hindi niya ginawa at siya ay nakulong.

Maging sa kulungan ay sinubaybayan ng Diyos si Joseph. Siya ay kinalugdan din ng opisyal sa bilangguan. Di nagtagal ay napalaya siya dahil naipaliwanag niya ang panaginip ng hari ng Egypt. Dahil dito, ginawa siyang katiwala ng hari sa buong Egypt.



**Activity:** Sagutin ang mga tanong

1. Ano ang nagtulak sa mga kapatid ni Joseph upang siya ay pagbalakang patayin?
2. Sino ang kasama ni Joseph sa mga panahon ng kanyang pagsubok? Sino ang maaari nating asahan sa panahon ng kagipitan?
3. Mahalaga bang magtiwala tayo sa Diyos? Bakit?

**Homework:**

Isalaysay kung paano inalagaan ng Diyos si Joseph?

## Aralin 17 Ang Gobyerno

### Ang Sampung Utos

Nagpatuloy sila Moses at ang mga Israelita sa paglalakbay sa ilang patungo sa lupang pangako.

Narating nila ang Mt. Sinai. Dito sa bundok na ito ay ibinigay ng Diyos kay Moses ang Sampung utos.

Ang mga sumusunod ang sampung utos ng Diyos:

1. Huwag magkakaroon ng ibang Diyos maliban sa Akin.
2. Huwag kayong maglilingkod o yuyukod sa alinmang diyos -diyosan.
3. Huwag ninyong babanggitin ang pangalan ng Diyos ng walang kabuluhan.
4. Italaga ninyo sa Akin ang Araw ng Pamamahinga.
5. Igalang ninyo ang inyong ama at ina.
6. Huwag kayong papatay.
7. Huwag kayong mangangalunya.
8. Huwag kayong magnanakaw.
9. Huwag kayong sasaksi sa hindi katotohanan laban sa inyong kapwa.
10. Huwag ninyong pagiimbutan ang sambahayan ng inyong kapwa: ang kanyang asawa, mga alila o kanyang pag-aari.

Ang pagsunod ng mga Israelita sa sampung utos ay tanda ng pagmamahal nila sa Diyos at sa kanilang bayan. Kung susundin nila ang mga utos na ito, magkakaroon sila ng maayos at matahimik na pakikitungo sa bawat isa.

**Activity:** Sagutin ang mga tanong.

1. Sino ang nagbigay ng 10 utos?  
\_\_\_\_\_
2. Kanino ibinigay ng Diyos ang 10 utos?  
\_\_\_\_\_
3. Saan ibinigay ng Diyos ang 10 utos?  
\_\_\_\_\_
4. Ano ang mangyayari kung susundin ng mga Israelita ang 10 utos na ibinigay ng Diyos?  
\_\_\_\_\_

**Homework:** Idrawing sa bond paper kung paano ka magiging kapaki-pakinabang sa inyong barangay.

## Aralin 16 Ang Mga Magulang at mga Guro

### Ang Utos ng Diyos

Sa tahanan ang may awtoridad sa atin ay ang ating mga magulang kaya dapat natin silang sundin. Gayundin naman, sa eskuwelahan ang ating mga guro ang may awtoridad sa atin kaya dapat lang na sundin at igalang din natin sila.

Sinabi sa Ephesians 6:1-3 ang ganito: mga anak, sundin ninyo ang inyong magulang alang-alang sa Panginoon sapagkat ito ang nararapat. Igalang ninyo ang inyong ama at ina. Ito ang unang utos na may kalakip na pangako: Ikaw ay giginhawa at matatamasa mo ang mahabang buhay dito sa lupa. Iyan din ang laging ipinaalala ni Aling Luz sa anak na si Linda.



**Activity:** Sagutin ang mga tanong.

1. Bakit kailangan tayo sumunod sa ating mga magulang?
2. Bukod sa pagsunod, ano pa ang inutos sa atin sa Ephesians 6:1-3?
3. Ano ang kalakip na pangako kung tayo ay susunod sa utos ng Diyos?
4. Sino ang nalulugod kung tayo ay sumusunod sa atin mga magulang?
5. Sino ang dapat nating bigyan ng kasiyahan?

**Homework:** (Magpatulong sa Magulang)

1. Magdrawing ng larawan ng isang bata na nagmamano o humahalik sa magulang bilang tanda ng paggalang.
2. Paano ka nagbibigay galang sa mga nakatatanda sa iyo?

## Aralin 5 Ang Diyos ang Ating Kapayapaan

### Si Moses at ang Sampung Utos

Si Moses at ang mga Israelita ay patuloy na naglakbay mula nang makalaya sila sa pagkaalipin sa bayan ng Egypt. Sila ay nakarating sa bundok ng Sinai. Doon ibinigay ng Diyos ang sampung utos kay Moses bilang gabay nila sa maayos at mapayapang pamumuhay.

Narito ang nilalaman ng sampung utos ng Diyos:

1. Huwag kang magkakaroon ng ibang Diyos maliban sa Akin.
2. Huwag kayong maglilingkod o yuyukod sa alin mang diyos- diyosan.
3. Huwag ninyong babanggitin ang pangalan ng Diyos ng walang kabuluhan.
4. Italaga ang araw ng pagsamba at pamamahinga.
5. Igalang ninyo ang inyong ama at ina.
6. Huwag kayong papatay.
7. Huwag kayong mangangalunya.
8. Huwag kayong magnanakaw.
9. Huwag kayong sasaksi sa di katotohanan laban sa inyong kapwa.
10. Huwag ninyong pag-iimbutan ang sambahayan ng inyong kapwa: ang kanyang asawa, mga alila o kanyang mga pag-aari.

**Activity:** Sagutin ang mga tanong

1. Pinangunahan niya ang mga Israelita tungo sa lupang pangako \_\_\_\_\_
2. Sa Bundok na iyon ibinigay ng Diyos kay Moses ang 10 utos. \_\_\_\_\_
3. Ang 10 utos ang magiging gabay nila upang maka-pamuhay sila ng may kaayusan at \_\_\_\_\_.
4. Sa unang utos, sinabi ng Diyos na *Huwag magkakaroon ng ibang \_\_\_\_\_ maliban sa Akin.*
5. Sa ika-limang utos sinasabing *Igalang ninyo ang inyong \_\_\_\_\_ at \_\_\_\_\_.*

**Homework:**

Mag-isip ng apat na patakaran na ipinatutupad sa inyong tahanan. Maghandang ibahagi ito sa susunod na pagkikita.

## Aralin 6 Ang Diyos ang Ating Kalakasan

### Si David at si Goliath

Ang mga Israelita at mga Filisteo ay laging naghaharap sa digmaan.

May isang higanteng kawal ang mga Filisteo na ang pangalan ay Goliath. Lagi siyang nanghahamon ng one-on-one na labanan. Minamaliit niya ang army ng Diyos ng mga Israelita. Walang may lakas ng loob sa buong army ng Israel na lumaban kay Goliath sapagkat ito ay lampas siyam na talampakan ang taas. Isang araw, si David ay inutusan ng kanyang ama upang magdala ng pagkain para sa mga kapatid niya na kasama sa army ng Israel. Pagdating niya sa kampo ay narinig ni David si Goliath na sumisigaw: "Pumili kayo ng isang tao na lalaban sa akin." Wala ni isa sa mga sundalo ng Israel ang may nais na tumanggap ng hamon ni Goliath. Nilapitan ni David ang hari ng Israel na si Saul at sinabi niya sa hari na tinatanggap niya ang hamon ni Goliath. Nang una ay ayaw pumayag ang hari subalit napapayag din ito ni David.

Lumapit si David kay Goliath at sinabing, "Lalabanan kita sa pangalan ng makapangyarihang Diyos ng Israel na iyong hinahamak." Dahan-dahang sumugod si Goliath kay David. Si David naman ay patakibong sinalubong si Goliath. Tinirador ni David si Goliath at tinamaan ito sa noo. Si Goliath ay bumagsak. Binunot ni David ang tabak ni Goliath at pinugutan niya ito ng ulo.

**Activity:** Sagutin ang mga tanong.

1. Kanino nanggaling ang kalakasang taglay ni David?

2. Kanino ka dapat umasa para sa sapat na kalakasan?

**Homework:** Sagutin ang mga tanong.

1. Sino ang nagbibigay sa iyo ng kalakasan upang magawa mo ang mahihirap na bagay? Bakit?
2. Ano ang una mong ginagawa sa tuwing ikaw ay nakakaramdam ng pag-aalinglangan?

## Aralin 15 Ang Iglesya

### Ang mga Matanda sa Iglesya

Ang sabi sa 1 Timothy 5:17 na ang mga matatanda na mahusay sa pagpapatakbo ng simbahan ay karapat-dapat na tumanggap ng karangalan at respeto lalung-lalo na iyong mga nangangaral at nagtuturo.

Sa aklat ng Hebrews, sinasabi din na sundin ninyo ang mga nangunguna sa inyo at pasakop kayo sa kanilang pamamahala upang maging kagalakan at hindi pabigat ang paglilingkod na ginagawa nila. Kaya makakabuti sa mga bata kung sila ay makikinig at susunod sa kanilang mga pastor o sa mga matatanda sa loob ng simbahan. Ang Diyos ang naglagay sa kanila upang mamuno sa kanila.


**Activity:** Isulat ang tamang letrang katumbas sa alphabet sa bawat space upang mabuo ang mga salita sa pangungusap.

\_\_\_\_\_ ang mga  
 19 21 14 4 9 14  
 \_\_\_\_\_ sa inyo  
 14 1 14 7 21 14 7 21 14 1  
 at \_\_\_\_\_ kayo sa kanilang  
 16 1 19 1 11 15 16  
 \_\_\_\_\_  
 16 1 13 1 13 1 8 1 12 1

**Homework:** Sagutin ang puzzle:

Across: Maging 1 sa mga magulang. Magpasakop sa 2 ng mga matanda sa iglesya.

Down: Ang mga 1 ay dapat sumunod sa mga magulang. Magpasakop sa mga 2 sa iglesya. 3 sa Salita ng Diyos.



## Aralin 14 Ang Matuwid na Tao

### Sumunod sa Kalooban ng Diyos

May mga kuwento ng mga taong nabuhay noong unang panahon na mababasa natin sa bibliya. Si Abel ay may pusong nagtiwala at sumunod sa sinabi ng Diyos patungkol sa paghahandog ng alaga niyang matatabang tupa. Si Noah ay nagtiwala at sumunod sa kalooban ng Diyos nang sabihin sa kanya ng Diyos na siya ay gumawa ng arko upang maligtas siya at ang kanyang buong pamilya mula sa malaking baha. Si Abraham ay nagtiwala at sumunod sa kalooban ng Diyos nang sinabi ng Diyos sa kanya na lisanin niya ang kanyang bayan, magtungo at manirahan sa lupang pangako.

Sumunod rin siya sa utos ng Diyos na gawin niyang haing buhay ang kaisa-isang anak na si Isaac.

Si Moses ay nagtiwala at sumunod sa kalooban ng Diyos nang sabihin ng Diyos sa kanya na pangunahan niya ang mga Israelita nang mapalaya sila mula sa pagka-alipin sa Egypt. Higit sa lahat, ang Panginoong Jesus ay sumunod sa kalooban ng Diyos na ialay ang Kanyang buhay para sa kung sinumang manalig sa Kanya ay magkakaroon ng buhay na walang hanggan.

**Activity:** Ibahagi mo sa klase kung ano ang kabutihang maidudulot ng pagsunod mo sa Diyos.

### Homework:

Mag-drawing ng isang larawan na nagpapakita ng kaayusan. Kulayan ang larawan. Isulat sa ibaba ng drawing kung bakit iyon ang iyong napiling isalarawan.



## Aralin 7 Ang Diyos ang Ating Kaibigan

### Si Jesus

Ang Panginoong Jesus ay laging naglalakad kasama ang Kanyang mga alagad. Sa ganitong mga pagkakataon, Siya ay nagtuturo sa kanila ng mga mahahalagang bagay patungkol sa pakikitungo sa kapwa.

Sinabi ni Jesus, *Walang pag-ibig na hihigit pa sa pag-ibig ng isang taong nag-aalay ng kanyang buhay para sa kanyang mga kaibigan. Kayo'y mga kaibigan Ko kung tinutupad ninyo ang mga utos Ko.*

*Hindi ko na kayo inaaring alipin, sapagkat hindi alam ng alipin ang ginagawa ng kanyang panginoon. Sa halip, inaari Ko kayong mga kaibigan, sapagkat sinasabi Ko sa inyo ang lahat ng narinig Ko sa Aking Ama. Sinabi pa ni Jesus, Ako ang mabuting pastol. Inialay ng mabuting pastol ang Kanyang buhay para sa Kanyang mga tupa.*

Itinuring Niya tayong mga kaibigan sapagkat inialay Niya ang Kanyang buhay para sa atin upang tayo ay hindi mapahamak at tayo ay makarating sa langit.

**Activity:** Sagutin ang mga tanong sa ibang papel.

1. Sino ang tunay na kaibigan natin?
2. Paano natin masasabi na kaibigan natin si Jesus?
3. Ano ang inialay ng mabuting pastol para sa Kanyang mga tupa?
4. Bakit inialay ni Jesus ang buhay Niya para sa iyo?

### Homework:

Ngayong nalaman mo na, na si Jesus ay nag-alay ng Kanyang buhay upang hindi ka mapahamak, pag-isipan mabuti ang mga sumusunod na tanong:

1. Paano ako dapat makitungo sa aking mga magulang? Mga kapatid? Mga kaklase? Mga kaibigan?
2. Sino si Jesus sa buhay ko?

## Aralin 8 Ang Tao ay Nilikha ng Diyos

### Si Job

Sa Bibliya, mayroong isang tao na ang pangalan ay Job.



Siya ay nabuhay noong matagal na matagal nang panahon. Nang minsan, siya ay nagtaka at nagtanong sa sarili kung bakit masyadong pinagkakaabalahan ng Diyos ang tao. Ang sagot dito ay makikita din natin sa Bibliya. Ang tao ay nilikha na kalarawan ng Diyos. Main-  
gat at kahanga-hanga ang pagkalikha ng Diyos sa tao.

Ibig sabihin, ang tao ay may talino, damdamin at marunong magpasiya.

**Activity:** Sagutin ang mga tanong.

1. Sino si Job?

---

---

---

2. Ano ang bagay na pinagtatakahan niya?

---

---

---

3. Ano ang ibig sabihin ng "ang tao ay nilikha na kalarawan ang Diyos"?

---

---

---

**Homework:**

Gumupit ng mga litrato sa magazine na maglalarawan kung paano natin mapapangalagaan ang ating mga katawan. Idikit ang mga ito sa malinis na bond paper. Halimbawa: exercise, sport, etc.

## Aralin 13 Ang Mabuting Tao

### Bunga ng Pagsuway at Pagsunod

Nang sumuway sina Eba at Adan sa kautusan ng Diyos, nakita nila at naunawaan kung ano ang mabuti at masama.

Ang kanilang ginawa ay hindi naging kasiya-siya sa Diyos kundi ito ay nag-udyok ng Kanyang galit at parusa. Dahil dito, sina Adan at Eba ay napalayas sa hardin. Si Adan ay nakaranas ng hirap sa pagsasaka at pagtatrabaho sa lupa. Si Eba naman ay nakaranas ng hirap sa pagdadalangtao at panganganak.

Kaiba naman si Noah kina Eba at Adan. Siya ay nagbigay kasiyahan sa Diyos sapagkat siya ay naging masunurin at nagtiwala sa Diyos. Ginawa niya ang arkong ipinagagawa sa kanya ng Diyos at siya at ang kanyang pamilya ay naligtas sa malaking baha.

**Activity:** Lagyan ng 😊 mukha ang pangungusap na magbibigay kasiyahan sa Diyos at ☹️ na mukha ang pangungusap na hindi magiging kasiya-siya sa Diyos.

- \_\_\_\_\_ 1. Sumunod si Noah sa utos ng Diyos.
- \_\_\_\_\_ 2. Gumawa ng homework araw-araw.
- \_\_\_\_\_ 3. Nagtiwala si Noah sa Diyos.
- \_\_\_\_\_ 4. Maiinggit sa mga laruan ng ibang bata.
- \_\_\_\_\_ 5. Magkalat ng basura kahit saan.
- \_\_\_\_\_ 6. Sumuway sina Adan at Eba sa utos ng Diyos.
- \_\_\_\_\_ 7. Maghanda at mag-aral para sa mga pag-susulit.

**Homework:** Mag-isip ng 4 na mabuting asal na natutuhan mo sa inyong tahanan. Humandang i-recite ito sa susunod na pagkikita.



## Aralin 12 Ang Tao na may Pananalig sa Diyos

### Sina Cain at Abel

Sa Genesis 4, mababasa natin na si Adan at si Eba ay nagkaroon ng mga anak. Sila ay ang magkapatid na Cain at Abel. —

Si Cain ay isang magsasaka at ang kanyang nakababatang kapatid na si Abel ay isang pastol. Minsan, pareho silang nagbigay ng handog sa Diyos. Naisiyahan at tinanggap ng Diyos ang handog ni Abel mula sa matataba niyang tupa subalit tinanggihan ng Diyos ang handog ni Cain mula sa kanyang ani. Makikita natin ang kaibahan ng dalawang handog. Ang handog ni Abel ay nagmula sa pusong may pananalig sa Diyos. Si Cain ay walang tiwala sa salita ng Panginoon. Ang Diyos ay nakatingin sa puso ng naghahandog. Nagalit si Cain dahil hindi tinanggap ng Diyos ang kanyang handog. Dahil sa matinding galit, nagawa niyang patayin ang kanyang kapatid.



**Activity:** Sagutin ang mga tanong sa hiwalay na papel.

1. Sino ang magsasaka at sino ang pastol?
2. Kaninong handog ang kinalugdan ng Diyos? Bakit?
3. Ano ang nangyari kay Abel? Bakit?
4. Nakatingin ba ang Diyos sa klase ng handog? Saan siya nakatingin?

**Homework:** Isulat sa linya ang T kung tama ang pangungusap at M kung ito ay mali.

- \_\_\_\_\_ 1. Ang mga project sa eskuwelahan ay dapat tapusin sa tamang oras.
- \_\_\_\_\_ 2. Umangal ka kung ikaw ay inuutusan ng guro na gawin ang isang bagay.
- \_\_\_\_\_ 3. Huwag pansinin ang mga kaklaseng nanghihingi ng tulong sa atin.
- \_\_\_\_\_ 4. Tulungan ang mga mas batang kapatid sa kanilang homework.
- \_\_\_\_\_ 5. Mainis pag kailangang tumulong sa gawaing bahay.

## Aralin 9 Ang Tao ay Nahulog sa Kasalanan

### Si Adan, si Eba at ang Ahas

Inilagay ng Diyos si Adan sa hardin at sinabing, *Maka-kain mo ang alinmang bunga sa halamanan, huwag lang ang bunga ng punongkahoy ng pagkaalam ng mabuti at masama. Sa oras na kainin mo ito, ikaw ay mamamatay.*

Isang araw, tinanong ng ahas si Eba:

**Ahas:** Totoo bang sinabi ng Diyos na hindi kayo dapat kumain ng bunga mula sa kahit na anong puno sa hardin.

**Eba:** Puwede namin kainin ang bunga ng kahit na anong punongkahoy diyan, huwag lang yung bunga ng puno na nasa gitna ng hardin. Pag kinain o hinawakan man lang namin ang bunga, kami ay mamamatay.

**Ahas:** Hindi kayo mamamatay. Alam ng Diyos na pag kumain kayo ng bunga na yan, mabubuksan ang inyong mga mata. Magiging katulad ng Diyos at malalaman ninyo ang masama at mabuti.

Naging maganda sa paningin ni Eba ang prutas na pinagbabawal ng Diyos. Pumitas siya at kumain. Binigyan din niya si Adan. Matapos kumain ni Adan ng bunga nakita nila na sila ay parehong hubad. Nagtagni-tagni sila ng dahon upang matakpan ang kanilang katawan. At sila ay nagtago nang marinig nila ang yabag ng Diyos sa hardin. Dahil sa pagsuway nina Adan at Eba sa pinagutos ng Diyos, sila ay nakaranas ng espirituwal na kamatayan sapagkat ang espiritu ng Diyos ay humiwalay sa kanilang espiritu. Sila ay pinalayas ng Diyos sa hardin ng araw ding iyon. Dahil sa kanilang kasalanan, ang katawang lupa nina Adan at Eba ay namatay din makalipas ang mahabang panahon.

**Activity:** Sagutin ang mga tanong sa hiwalay na papel.

1. Ano ang mangyayari kay Adan kapag kinain niya ang bunga ng puno ng pagkaalam ng mabuti at masama ayon sa Diyos? Ayon sa ahas?
2. Ano ang nangyari kina Adan at Eba?

**Homework:** Mayroon bang pagkakataon na ikaw ay hindi nagsabi ng totoo? Ano ang naging resulta nito?

## Aralin 10 Ang Tao ay Tinawag ng Diyos

### Mga Taong Tinawag ng Diyos

Nang nagkasala sina Adan at Eba, napansin nila na sila ay hubad at sila ay nahiya. Gumawa sila ng panaklob mula sa mga kinuha nilang mga dahon. Tapos nadinig nila ang yabag ng Diyos sa hardin at sila ay nagtago. Tinawag ng Diyos si Adan ng ga-nito, "Nasaan ka?"

Mula noon laging tumatawag ang Diyos sa tao. Tinawag Niya si Noah upang gumawa ng malaking arko para sila ay maligtas sa malaking baha.

Tinawag ng Diyos si Abraham upang siya ay magsimula ng isang bayan.

Tinawag ng Diyos si Moises upang iligtas niya ang bayan ng Diyos sa pagkaalipin sa bayan ng Ehipto.

Tinawag ng Diyos si David upang maghari sa bayan ng Diyos. At pagkatapos naman ay isinugo ng Diyos ang Kanyang Anak na si Jesus upang iligtas Niya ang bayan ng Diyos mula sa kanilang kasalanan.

Ngayon tumatawag pa rin ang Diyos sa pamamagitan ng pagbabahagi ng mabuting balita ni Jesus - - na ang lahat ng magtitiwala kay Jesus ay magkakaroon ng buhay na walang hanggan. Ginagawa ng Diyos ito sa pamamagitan ng kapangyarihan ng Banal na Espiritu.

**Activity:** Sagutin ang mga tanong sa ibang papel.

1. Sino ang tinawag ng Diyos sa hardin?
2. Sino ang tinawag ng Diyos upang maghari sa Kanyang bayan?
3. Sino ang tinawag ng Diyos upang gumawa ng arko?
4. Sino ang isinugo ng Diyos upang iligtas ang Kanyang bayan mula sa kasalanan?
5. Bakit sumunod ang mga taong tinawag ng Diyos?

**Homework:** Lagyan ng shade ang mga box na may letrang "X" upang mabuo ang pinakamaigsing verse sa Bible. Isulat ito: \_\_\_\_\_

X	T	X	X	U	M	X	X	A	X	X	N	G	I	X	S
X	S	X	I	X	X	J	E	X	X	S	X	U	X	S	

## Aralin 11 Ang Tao ay may Kalayaan

### Ang Tao sa Hardin ng Eden

Matapos ilagay ng Diyos ang tao sa Hardin ng Eden, ang tao ay binigyan ng Diyos ng kalayaan na pagyamanin at alagaan ang hardin. Ang hardin ay ang modelo na dapat tularan ng tao. Nilikha ng Diyos ang tao upang pamahalaan din ang mga hayop sa lupa, sa dagat at mga ibon sa himpapawid. Binigyan din ng Diyos ang tao ng kalayaan na bigyan ng pangalan ang lahat ng hayop na naroon sa parang at sa himpapawid. Sinabi Niya kay Adan na malaya siyang makakakain ng bunga ng kahit anong puno sa Eden maliban lamang sa puno ng pagka-alam ng mabuti at masama, sapagkat sa araw na siya ay kumain nito, siya ay tiyak na mamamatay. Maraming klaseng bungangkahoy ang nasa Eden. Tunay na malaya ang tao na tuparin ang layuning pinagkaloob sa kanya ng Diyos sa ano mang paraang kanyang maisipan. Siya ay malaya ring kumain ng sari-saring uri ng prutas, huwag lamang mula sa pinagbabawal na puno.

**Activity:** Sagutin ang mga tanong sa malinis na papel.

1. May kalayaan ba ang taong nilikha ng Diyos?
2. Anu-anong mga bagay ang maaari niyang gawin ayon sa ating kuwento?
3. Ano ang magiging bunga kung gagamitin ng tao ang kanyang kalayaan sa maling kaparaanan?

**Homework:** Isulat ang mga letra upang mabuo ang pangungusap.

1. Ang tao ay  $\frac{13}{13}$   $\frac{1}{1}$   $\frac{12}{12}$   $\frac{1}{1}$   $\frac{25}{25}$   $\frac{1}{1}$  kumain ng kahit anong bunga sa Hardin ng Eden.
2. Si Adan ay  $\frac{13}{13}$   $\frac{1}{1}$   $\frac{13}{13}$   $\frac{1}{1}$   $\frac{13}{13}$   $\frac{1}{1}$   $\frac{20}{20}$   $\frac{1}{1}$   $\frac{25}{25}$  pag siya ay sumuway sa utos ng Diyos.
3. Si  $\frac{1}{1}$   $\frac{4}{4}$   $\frac{1}{1}$   $\frac{14}{14}$  ay inutusan ng Diyos na huwag kumain ng bunga ng puno ng kaalaman ng  $\frac{13}{13}$   $\frac{1}{1}$   $\frac{2}{2}$   $\frac{21}{21}$   $\frac{20}{20}$   $\frac{9}{9}$  at  $\frac{13}{13}$   $\frac{1}{1}$   $\frac{19}{19}$   $\frac{1}{1}$   $\frac{13}{13}$   $\frac{1}{1}$ .